

Abal ka exbay an Tolmixtaláb abal ti exóbal abal an tamkuntaláb I Ejatal ani i T'ojlábil tu aykol k'al a Cristo

4 MA TI 10 A ENERO

K'ALÁB AXI TI BIBLIA | LEVÍTICO 18 ANI 19

«Yab ki lukliy i ejatal k'al jawa' kidháb»

w19.06 28 párr. 1

¿Jant'oj i éjtowal ki t'aja' abal yab tu ku k'ambiy a Satanás?

Talbél tin ulumal patal an kidhabtaláb axi in t'ajalak an bíchowchik axi taná' utat, a Jehová in ucha' an israelitas: «Ne'ets tu ne'dha'chik ban tsabál in k'al an cananeos, pero yab u lé' abal ka nits'biychik [...] jawa' in t'ajál jajá'. Al nixé' xi tsabál u lej t'ajnal i kidhabtaláb ani jaxtám ne'ets ku bóliychik». Abal a Jehová, jawa' in t'ajalakchik an cananeos lej wat'adh kidháb. Jaxtám in uluw abal an tsabál ju'táj u k'wajílakchik lej wat'adhak luklidh (Lev. 18:3, 25).

w17.02 20 párr. 13

A Jehová in ok'nál in bichówil

¹³ An eyalchik al k'e'at i bichow expidh in eyendhálak an tsalpadhtaláb axi in kwa'alakchik abal kin ok'na' in bichówil, pero lej pilits jant'ini' tu ábatnomak an eyalchik axi a Jehová in eyendha'. An eyalchik cananeos in nixálak an atiklábchik abal kin t'aja' yan jant'oj axi kidháb, ejtíl ka kwátsiy-chik k'al in lej yanél, ka kwátsiy-chik k'al in at inik o in at uxum, ka kwátsiy-chik k'al i ko'nél, kin bína' an tsákamchik ti ts'akchixtaláb ani kin k'ak'na'chik yan i dioses (Lev. 18:6, 21-25). Jayej, an eyalchik axi ti Babilonia ani Egipto yab in exóbbhalak in bichówil jant'ini' ka k'wajiy-chik t'okat, pero a Jehová in exóbbhalak in bichówil, ani an ciencia in tejwamedhámak abal játs antsaná' (Núm. 19:13). Pero an israelitas u exóbbchinalak k'al axi tu ok'náb jant'ini' kin t'ojonchij

a Jehová tin tekedh, jant'ini' kin ko'oy t'okat in ejatal ani in iniktal. In t'aja'chik ti kwéntaj abal pel k'al a Jehová ti k'wájatakchik ti ok'náb.

w14 1/7 7 párr. 2

¿Jant'oj ne'ets kin t'aja' a Dios k'al an poj-kaxtaláb?

Pero, ¿jant'oj ne'ets ka wat'ey k'al an atiklábchik axi yab in lé' kin jalk'uy in ejatal ani in áynanchal kin t'aja' jawa' kidháb? Al axé' xi kaw axi in olnál an Biblia k'wajat an tok'tsixtaláb: «Jita'chik in t'ajál jawa' tekedh ne'etschik ka k'wajiy ban tsabal, jayej ne'etschik ka k'wajiy abal ets'ey jita'chik yab in t'ajál jant'oj axi kidháb», talbél in ulal abal «axi pójkax ne'ets ka talabedháj, [...] ne'ets ka tixk'áj abal ets'ey» (Proverbios 2:21, 22). Axé' ne'ets kin t'aja' abal ka taley an poj-kaxtaláb ani ku k'wajiy koyat. Axé'chik xi atikláb k'ayum k'ayum ne'ets ka t'okej in ejatal ma ka tíxk'an an walabtaláb (Romanos 6:17, 18; 8:21).

Exbadh exobchixtaláb axi i kaldhál ti Biblia

w06 15/6 22 párr. 11

«¿U lej k'anidhál a káwintal!»

¹¹ Jun i abatnaxtaláb k'al axi a Jehová in tejwamedha' abal in lej k'anidhál in bichówil, játs jawa' in uluw tin kwéntaj an rebusca. A Jehová in ucha' an israelitas abal tam ka k'ojláts yabchik kin ko'jow patal, abal ka jíl'k'on wé' abal axi ts'ejwantál. Yab kwa'alak kin k'ojowchik jawa' ka jíl'k'on wálchikte', ani max kin úk'chij kin k'ojow jun i pejach, yab kwa'alak ka wichij kin ko'jow, jayej yab kwa'alak ka wíchij kin pena' jawa' in úk'chij. An rebusca pelak jun i tolmixtaláb abal an ts'ejwantálchik, abal axi tal al pil i bichow,

abal axi ódh'ínik ani abal an mimlábchik axi tsémchidh. Jita'chik in báts'uwalak axé' xi alwa'taláb kwa'alakchik ka t'ojon tsapik abal kin ela', pero yab in wat'alakchik i jayil (Levítico 19:9, 10; Deuteronomio 24:19-22; Salmo 37:25).

11 MA TI 17 A ENERO

K'ALÁB AXI TI BIBLIA | LEVÍTICO 20 ANI 21

«A Jehová in tákuyal in bichówil ani in pilmedhál»

w04 15/10 11 párr. 12

¿Ne'ets kit k'wajiy tatá' ban Paraíso?

¹² Pero wa'ats jant'oj axi in lej tomnál ki t'a-ja' ti kwéntaj. A Dios in ucha' an israelitas: «Kwa'al ka belka' patal an abatnaxtaláb axi k'wajat tu abchal xowé', abal ka ko'oychik i tsapláb ani ki otsits ban tsabál axi ne'ets tu pidha' ani ka k'alna'chik» (Deuteronomio 11:8). Ti Levítico 20:22, 24 jayej u kaw tin kwéntaj an tsabál axi ne'etsak kin báts'uwchik an israelitas: «Tatá'chik k'wa'al ka belka' ani ka t'aja' patal jawa' k'wajat tu konchal abal antsaná' yab kit kédhmayat ban tsabál axi ne'ets tu pidha'. Jaxtám tu ucha'chik: Tatá'chik ne'ets ka k'alna' in tsabálil nixé'chik xi bichow, taná' wa'ats i leche ani tsi'im ani tatá'chik ne'ets ka k'alna'». Tam, abal an israelitas kin ejtow kin k'alna' an Tierra Prometida, kwa'alak kin tsápnanchij ka k'wajiy utat k'al a Jehová. Pero kom an israelitas yab bélkaxin, a Jehová in jila' abal ka otsánchat k'al an babilonios ani ka ne'dhájchik jant'ini' i wik'nél.

ít-1 1119

Herencia

Játs an k'aláb axi u jílchinal jun i atikláb tam an dhabal ka tsemets. Jayej u bijiyáb ti herencia tam jun i tsakamláb in kanchal

jant'ini játsak in ey in tátajchik o in t'ajál jawa' in ujnámakchik kin t'aja' in tátajchik. Ti hebreo, an kaw axi u eyendháb abal herencia játs *na-jál* (sustantivo, *na-jaláh*). Axé' játs tam u wat'bancháb jant'oj jun i atikláb o u pidhnal kom jats in tomnál kin bats'uw. (Nú 26:55; Eze 46:18.) An kaw *ya-rásch* junchikíl u eyendháb abal tam jun i atikláb u jílchinal jant'oj k'al in tátajchik. Pero jayej u eyendháb abal tam jun i atikláb in k'alnál jawa' in k'wa'alak k'e'at. (Gé 15:3; Le 20:24.) Axé' xi kaw jayej u eyendháb abal tam u tixk'ancháb in tsabálil jun i bichow ban guerra. (Dt 2:12; 31:3.) Ti griego, an kaw abal «herencia» játsak *klé-ros*, ti k'a'al axé' u eyendhabak abal «suerte»; talbél abal «participación», ani talbél abal «herencia». (Mt 27:35; Hch 1:17; 26:18.)

ít-2 579 párr. 5

Pájaros

Talbél k'al an diluvio, a Noé in bína' ti ts'akchixtaláb i ko'nél axi u jumnal ani jayej in bína'chik k'e'at i konél. (Gé 8:18-20.) Ma ti nixé' a k'icháj a Jehová in jila' abal an atiklábchik kin k'apuw i ts'itsi,n expidh in uluw abal yab ki k'apchij in xits'ál. (Gé 9:1-4; ka jumbiy k'al Le 7:26; 17:13.) Tin k'ichájil a Noé max jun i ts'itsin in éjtowalak kin bína' ti ts'akchixtaláb jayej in éjtowalak kin k'apuw. An Biblia in ulal abal ma tam ti a Jehová in pidha' an abatnaxtaláb a Moisés, tam ti in ucha'chik jawa' tam ts'itsin in éjtowalak kin k'apuw ani jawa' imbáj. (Le 11:13-19, 46, 47; 20:25; Dt 14:11-20.) An Biblia yab in olnál jalé' ti a Jehová in tsu'talak luklidh talchik i ts'itsin. Yan k'al axé'chik xi ts'itsin in tsem-dhalchik i ko'nél abal kin k'apuw ani talchik in k'apal i ko'nél axi tsémenekits pero talchik imbáj. (Ka ajiy ABUBILLA.) Pero axé' xi abatnaxtaláb yabáts eyan tam ti ts'ejkáj an ít pacto, antsaná' ti tejwamédhanchat a Pedro al jun i tsu'bixtaláb. (Hch 10:9-15.)

Exbadh exobchixtaláb axi i kaldhál ti Biblia

it-1 562 párr. 1 Cortaduras

Ban abatnaxtaláb axi a Jehová in pidha' an israelitas in ucha'chik abal yab in tomnálak kin kotoy in iniktal tam ka tsemets jun in ja'úb. (Le 19:28; 21:5; Dt 14:1.) ¿Jale'? A Israel pelak jun i bichow t'okat kom takuyamej k'al a Jehová (Dt 14:2), jaxtám yab in tomnálak kin nits'biy jawa in t'ajalak k'e'at i bichow. An israelitas yab in tomnálak kin t'aja' axé' xi kidháb t'ajbiláb kom jajá'chik in exlalak jant'oj u wat'el tam jun ka tsemets ani in kwa'alchik an aychixtaláb abal ka edháj. (Da 12:13; Heb 11:19.) Tam an israelitas in belkalak axé' xi abatnaxtaláb in tejwamedhálakchik abal in k'ak'nál in iniktal, kom pidhnének k'al a Jehová.

18 MA TI 24 A ENERO

K'ALÁB AXI TI BIBLIA | LEVÍTICO 22 ANI 23

«¿Jant'oj i exobnál k'al an ajib axi in t'ajalak an israelitas?»

it-1 934

Ajib tin kwéntaj an panes axi yab in kwa'al i levadura

An k'a'al k'icháj tam tu t'ajnalak an ajib tin kwéntaj an tortas no fermentadas, an israelitas u támkunalakchik ani nixé' a k'icháj yabák u t'ojnal. Ban tsabchíl k'icháj, an 16 a Nisán, u nenchabak jun bóye' i cebada an sumo sacerdote. Axé' an cebada játs axi u k'a'al k'ojowabak ti Palestina. Ok'xidh k'al axé' xi ajib, an israelitas yabak in éjtowalak kin eyendha' axé' xi cebada xi ít. Yab in éjtowalakchik kin ts'ejka' ti pan, nibal kin t'iliy. An sumo sacerdote in ne'dhalak jun i bóye' i cebada ani in dhiyalak tin tamét a Jehová ani

biyat, u binabak ti ts'akchixtaláb jun i carne-ro axi in kwa'alak jun támub ti wa'tsinének. Jayej u binabak wé' i grano ti ts'akchixtaláb, áts'edhach k'al wé' i aceite. (Le 23:6-14.) Yab wa'atsak nibal jun i abatnaxtaláb axi kin uluw abal kwa'alak ka chikan i grano o i arina eblim ban altar, bélits abal talbél in t'aja'chik an sacerdotes. Yab expidh u t'ajnalak jún-kats i ts'akchixtaláb abal patalits an bichow, k'alejki'ij tam yaneláb in binalak jun i ts'akchixtaláb ani jayej an atiklábchik axi in kwa'alak jun i k'aláb ti Israel. (Éx 23:19; Dt 26:1, 2; ka ajij PRIMICIAS.)

Jawa' in lé'ak kin uluw. An israelitas in k'apalak i tortas no fermentadas kom antsaná' ti uchnének ban abatnaxtaláb axi a Jehová in bína', axi k'wajat dhuchadh ti Éxodo 12: 14-20. Taná' u ólchinalak jant'oj yab kwa'alak kin t'aja' (versículo 19): «Al buk a k'icháj, yab kwa'al ka eyendha'chik i k'oyej axi in kwa'al i levadura. Ti Deuteronomio 16:3 an tortas no fermentadas jayej u bijiyáb «pan abal axi t'e'pidh», k'al axé' xi pan an israelitas in t'ilalak támub ti támub abal in ko'oychik ka kalej lej dhubat ti Egipto (yabchik in punchij i levadura kom yab ne'etsak kin bajuw ka dhopey [Éx 12:34]). Antsaná' in t'ilálakchik abal k'wajiy ti Egipto ti wik'nél ani t'ojondháj-chik lej tsapik. Pero jayej in t'ilálakchik abal k'al a Jehová walkáj. Jaxtám a Jehová in ucha'chik: «Abal ets'ey ka t'ila'chik abal naná' tu kaldha' ti Egipto». An israelitas in ats'alakchik kulbél kom yabáts k'wájatak ti wik'nél, ani in lej k'ak'nanchalak a Jehová kom játs k'al axi ti walkáj. Axé' in t'ajalak abal kin lé'na'chik kin t'aja' an ajib in k'al an tortas no fermentadas. (Dt 16:16.)

it-2 631 párr. 1 Pentecostés

An k'a'al k'ojláts in k'al an trigo yab u eyendhábak antsaná' jant'ini' tu t'ajnalak k'al an

k'a'al k'ojláts in k'al an cebada. U xaluwabak we' i arina (4,4 l.) k'al i levadura abal ka ts'ejkáj tsab i pan. Axé' xi pan in ts'ejkalak ejtíl an pan axi in ujnampak kin ts'ejka' abal kin k'apuw ani in nenchalak an sacerdotes abal kin k'apuw (Le 23:17.) Junax k'al axé' xi ts'akchixtaláb jayej u chíkchinalak i ko'nél a Jehová (ofrendas quemadas), in binalakchik i ts'akchixtaláb abal ka pákwlanchat in wálab, ani in binalakchik tsab i ts'akchixtaláb abal ka k'wajiychik koyat k'al a Jehová. An sacerdote in yak'walak an pan ani péjachik i t'u'lek in k'al an cordero ani in wiwalak tin tamét a Jehová. Antsaná' in t'ipoyalak abal k'wajat in pidhál. Talbél tin wiwamal tin tamét a Jehová an pan ani an corderos, an sacerdote in éjtowalak kin k'apuw kom pel jant'ini' max k'wájatakchik ti k'apul k'al a Jehová. (Le 23:18-20.)

w14 15/5 28 párr. 11

¿I áynanchal ku t'ojon antsaná' jant'ini' in t'ajál in bichówil a Jehová?

¹¹ In bichówil a Jehová in lé' abal ku k'wajiy alwa', jaxtám wilk'idh tu t'ilchal abal ki lej t'a-ja' ti kwéntaj axé' xi kaw axi in uluw an abatwalej Pablo: «Ku lej t'ajaxin ti kwéntaj abal ku tolmixin, ki kulbédhanchij in ichích an epchalchik. Yab ki jila' tu támkunal ani más xowé' kom i tsu'tal abal k'wajat ti k'unel an k'ij» (Heb. 10:24, 25). Tam an israelitas u támkunalak abal kin k'ak'na' a Jehová, u tsapnelak in bélomtal. An ajib axi in t'ajalak an israelitas in t'ajalak abal kin ats'a'chik lej kulbél. Jun i t'iplab, ki tsalpay k'al an kulbetaláb axi in ats'a'chik an israelitas tin k'ichájl a Nehemías tam ti in t'aja'chik an fiesta de las cabañas (Éx. 23:15, 16; Neh. 8: 9-18). Wawá' jayej i báts'uwal yan i alwa'taláb tam u k'alel ti tamkuntaláb ani ti púlik tamkuntaláb. Ki lej tsápnanchij ki eyendha' patal jawa' u exóbcinal abal ka tsapikméj i bélomtal ani ki ats'a' más u kulbél (Tito 2:2).

Exbadh exobchixtaláb axi i kaldhál ti Biblia

w19.02 2 párr. 3

Ku k'wajiy putudh k'al a Jehová

³ Ku k'wajiy putudh k'al a Jehová játs ki k'anidha' k'al patal i ichích ani ki k'ak'na' expidh Jajá'. Ti Biblia an kaw hebreo axi wilk'amej abal «putudhtaláb» jayej u eyendháb abal tam jant'oj k'wajat putat, kidhat ani t'okat. Jun i t'iplab, an abatnaxtaláb axi pidhan a Moisés in ulalak abal tam jun i israelita kin bína' jun i ts'akchixtaláb, an ko'nél kwa'alak ka k'wajiy lubach (Lev. 22:21, 22). An israelitas yab in éjtowalak kin bína' ti ts'akchixtaláb jun i ko'nél axi u ya'ul, ejtíl, max yab in kwa'al jun in akan, jun in xútsun o jun in wál. Abal a Jehová kin bats'uw jun i ts'akchixtaláb, an ko'nél kwa'alak ka k'wajiy putat ani t'okat (Mal. 1:6-9). ¿Jale' tin lé' a Jehová abal patal jawa' ki pidha' ka k'wajiy putat? Abal ki exbay ki tsalpay k'al axé' xi t'iplab. Tam i ts'a'yal jun i waliláb, yab i lé' abal kin k'ipchij jun i pe-jach. I lé' abal ka k'wajiy kidhat ani yab ka k'wajiy k'atsenek. I lé' abal ka k'wajiy putat ani t'okat. Jayétsek'ij in tomnál ki t'aja' k'al an k'anidhomtaláb axi i ko'onchal a Jehová. Jajá' in lé' abal an k'anidhomtaláb axi i ko'onchal ka k'wajiy kidhat, expidh ki k'ak'na' Jajá'.

25 MA TI 31 A ENERO

K'ALÁB AXI TI BIBLIA | LEVÍTICO 24 ANI 25

«Jawa' u t'ájnalak ban jubileo in t'ipoyal abal we'its ne'ets ku walkáj»

it-2 228

Walkadhtaláb

An Dios axi tu walkál. A Jehová játs an Dios axi u wálkax. A Jehová in kaldha' an israelitas ti Egipto ani in ucha'chik abal max ka bélkaxin ne'etsak ka k'wajiychik alwa' (Dt

15:4, 5.) A David in uluw abal axi u k'wa-jílakchik altáj ti Jerusalén k'wájatak alwa' béletnadh, ani «xe'etsak walkadh». (SI 122: 6, 7.) Pero an abatnaxtaláb in ulalak abal max jun i atíkláb ka jílk'on ts'ejwantál, in éjtowalak kin nujuw tin bá' abal kin ko'oy jawa' in yéjenchal jajá' ani in yanél. An abatnaxtaláb jayej in ulalak abal patal an esclavos israelitas kwa'alak ka walkájchik ban bukchíl i támub (Éx 21:2.) Ban jubileo (tam kin bajuw cincuenta i támub) patal an israelitas u jílk'onalakchik walkadh. Nixé' a k'icháj patal axi u ko'oyabak jant'ini' i esclavo u walkábak ani jita'chik in nujumal in tsabálil u wichbanchábak. (Le 25:10-19; ka ajiy JUBILEO.)

ít-1 1120 párr. 3

Herencia

An israelitas yab in éjtowalakchik kin nujuw in tsabálil abal ets'ey, kom jajayej in k'alakchik ani kwa'alak kin jílichij in tsakámil axi ne'ets ti wátsinal. Jaxtám, tam an israelita kin nújuw an tsabál, an ts'a'um kwa'alak kin jálbínchij jawa' in tsálpayal abal ne'ets kin kanchij tam kin t'ojondha', pero an nújul kwa'alak kin t'aja' ti kwéntaj jay i támub in k'ílbchalej abal an jubileo abal tam, yab kin nújuw wat'adh jálbídh. Tam kin bajuw an jubileo, patal axi in nujumal jun i tsabál kwa'alak ka wíchbanchat, max yab wichbanchamej ok'xidh. (Le 25:13, 15, 23, 24.) An atájchik axi k'wájatak eléb ban bíchowchik axi bá'telidh, jayej kwa'alak ka wichbáj ban jubileo, pero an atájchik axi k'wájatak altáj u áwilak ka ts'a'iyat abal ets'ey, kom an nújul expidh in kwa'alak jun i támub abal kin tsab ts'a'iy, pero tam jun i levita kin nújuw jun i atáj altáj ba jun i bichow, jajá' in éjtowalak kin ts'a'iy tam kin le'na' kom yab in kwa'alak más i tsabál. (Le 25:29-34.)

ít-2 149 párr. 2

Jubileo

Kom an israelitas in lej belkalak an abatnax-

taláb in k'al an Jubileo, yabak u wat'el jawa' xowé' u lej tejwamél al yan i bichow. Wa'ats i atíkláb axi lej tumínladh ani jayej wa'ats axi lej ts'ejwantál. K'al axé' xi abatnaxtaláb in báts'uwalak i alwa'taláb patal an bichow, kom yab jita' u jílk'onalak ts'ejwantál ani patal in éjtowalak ka tólmixin abal ka k'wajiychik alwa'. A Jehová ne'etsak kin láblínchij in t'a-yablábil an israelitas ani ne'etsak kin exóbchij biyat jajá'chik ka bélkaxin, axé' ne'etsak kin t'aja' abal an israelitas ka k'wajiychik kulbél ani kin bats'uw i lablixtaláb axi expidh in éjtowal kin bína' a Jehová. (Isa 33:22.)

Exbadh exobchixtaláb axi i kaldhál ti Biblia

w09 1/9 22 párr. 4

¿Ne'ets ki ats'a' más kulbél max ki wíchba' jawa' u t'ajchin?

Max jun i israelita kin odhna' k'e'at ani kin jok'tsebédha', an abatnaxtaláb in ulalak jant'oj kwa'alak ka t'ajchin. Tam, yab kwa'alak kin wíchba' jawa' t'ajchin nibal kin ódhnan-chij in yanél. An abatnaxtaláb in ulalak abal axé' xi k'ibataláb kwa'alak kin ts'ejka' an éyal, ejtíl an jueces. Axé' in t'ajalak abal yab jita' kin le'na' kin odhna' in atk'wajíl, kom in ex-lálak abal jawa' kin t'aja', ne'etsak ka t'ajchat jajá' jayej. Pero axé' xi abatnaxtaláb jayej u eynalak abal jant'oj más.

1 MA TI 7 A FEBRERO

K'ALÁB AXI TI BIBLIA | LEVÍTICO 26 ANI 27

«¿Jant'oj kwa'al ku t'aja' abal a Jehová ti kin labliy?»

w08 15/4 4 párr. 8

Ki pojka' «jawa' yab in kwa'al in jalbíl»

⁸ ¿Jant'ini' i éjtowal ki wenk'ow an k'aláb ti jun i dios? Ki tsálpay k'al axé' xi t'íplab. Jun

i israelita in elál jun i t'ujub ban alte'. K'al ni-xé' xi t'ujub in éjtowalak kin ts'ejka' jun i ba'te' o jun i atáj. Pero max kin eyendha' ti «columna sagrada» ne'etsak kin t'aja' abal an bichow kin k'ibchij a Jehová (Lev. 26:1). Jayej, xowé' an tumín u lej eynal. I eyendhál abal ki ts'a'iy jawa' i yéjenchal ani jayej i eyendhál abal ki t'ójonchij a Jehová (Ecl. 7: 12; Luc. 16:9). Pero max ki lej pidha' in jalbíl an tumín, i éjtowal ki wen'ow ti dios ani k'ayúm ku tujeý tu owmél k'al a Jehová (*ka ajiy 1 Timoteo 6:9, 10*). Xowé' ta k'icháj, jawa' an atiklábchik mas in t'ajál játs kin aliy an tumín. Jaxtám, yab kwa'al ki pidha' yan in jalbíl an tumín (1 Tim. 6:17-19).

it-2 1096 párr. 8 **Temor**

An israelitas in lej k'ak'nalak (heb. *moh-rá'*) a Moisés kom in tsu'uwchik jant'ini' ti eyendháj k'al a Jehová. (Dt 34:10, 12; Éx 19:9.) Jita'chik in belalak k'al a Jehová, in k'ak'nálakchik patal jawa' a Moisés kin uluw. In t'ajálakchik ti kwéntaj abal k'wájatak ti eyendháb k'al a Jehová abal kin bína' i olchixtaláb. An israelitas kwa'alak kin ko'onchij yan i k'ak'naxtaláb ju'táj tu k'ak'nabak a Jehová. (Le 19:30; 26:2.) In tejwamedhálakchik axé' xi k'ak'naxtaláb tam in k'ak'nalak a Jehová antsaná' jant'ini' in kónoyalak ani tam in belkalak jawa' in ulal an abatnaxtaláb.

w91 1/3 17 párr. 10

«A Dios ne'ets ti pidha' i koyattaláb» ta ichích

¹⁰ A Jehová in ucha' an israelitas: «Max tatá'chik ka beldha' a ejatal antsaná' jant'ini' tu konchal ani max ka belka'chik patal jawa' tu abchal ka t'aja' ne'ets tu úldhanchij an áb tam ka yéjenchij ani patal jawa' ka t'aya' ne'ets ka wa'tsin. Naná' ne'ets ku t'aja' abal ka wa'tsin i koyattaláb ban bichow, tatá'chik

ne'ets ka ejtow kit kwatsiy ti wáyal ani yab ne'ets ka ts'ejna' nibal jant'oj; yab ne'ets ku jila' abal ti odhna' nibal jun i ko'nél axi pójkax ani nibal jun i bichow ne'ets ti otsanchij. Naná' ne'ets kin k'wajiy k'al tatá'chik, ne'ets tu t'aja' tu bichówil ani tatá'chik ne'ets ti kin k'ak'na'. (Levítico 26:3, 4, 6, 12.) An israelitas ne'etsakchik ka k'wajiy koyat kom yab ne'etsak ka otsanchat k'al jita' tu pojká, ne'etsak kin ko'oy patal jawa' kin yéjenchij ani ne'etsak ka k'wajiy utat k'al a Jehová. Pero expidh ne'etsakchik kin ejtow kin bats'uw axé'chik xi alwa'taláb max kin belka' an abatnaxtaláb in k'al a Jehová (Salmo 119: 165.)

Exbadh exobchixtaláb axi i kaldhál ti Biblia

it-2 657 **Peste**

Jawa' u wat'elak tam yab in belkálakchik a Dios. A Jehová in ucha' an israelitas abal max yabchik ka bélkaxin ne'etsak kin abchij yan i yaw'láts axi u dha'ux. (Le 26:14-16, 23-25; Dt 28:15, 21, 22.) Ban Biblia i elál i t'iplab abal tam a Jehová in lábliyalak jun i atikláb, Jajá' u k'wajilak más alwa' tin ejatal ani k'wájatak mas utat k'al a Jehová (Dt 7: 12, 15; Sl 103:1-3; Pr 3:1, 2, 7, 8; 4:21, 22; Rev 21:1-4), ani jayej i elál i t'iplab abal tam jun i atikláb u wálbinalak, in éjtowalak ka yaw'láts. (Éx 15:26; Dt 28:58-61; Isa 53: 4, 5; Mt 9:2-6, 12; Jn 5:14.) Junchikil a Jehová in ábchijchik jun i yaw'láts axi kidháb talchik i atikláb axi wálbín, ejtíl a Míriam, a Uzías ani a Guehazí in ábchijchik i lepra (Nú 12:10; 2Cr 26:16-21; 2Re 5:25-27), pero al yan i bichow an atiklábchik dha'uyat k'al yan i yaw'láts kom yabchik in béletna' in ejatal ani in t'ajalak yan jant'oj axi kidháb. Expidh in yajchíkna'chik kom in t'ajalak jant'oj axi kidháb. (Gál 6:7, 8.) Tin kwéntaj an atikláb-

chik axi inikbej ani uxumbej, an abatwalej Pablo in uluw abal a Dios «in jila' abal axé'-chik xi atikláb kin t'aja'its jawa' kin le'na' ani kin t'aja' yan i t'ajbiláb tin anam t'u'ul axi lej tidhetál, pero talbél in yajchíkna'chik k'al patal jawa' in t'aja'» (Ro 1:24-27.)

8 MA TI 14 A FEBRERO

K'ALÁB AXI TI BIBLIA | NÚMEROS 1 ANI 2

«A Jehová in t'ójoyal in bichówil»

w94 1/12 9 párr. 4

A Jehová in aychal abal expidh ki k'ak'na' Jajá'

4 Jant'ini' tu k'wajílak in israelitas ban desierto? Max i ejtowámalak ki tsu'uw, ne'etsak ki t'aja' ti kwéntaj abal u k'wajílakchik al yan i tiendas de campaña, alwa' k'elbadh. Taná' wa'atsak wat'adh tres millones i israelitas, ani k'wáatakchik ajidh al óxchik i tribus. Wa'atsak óxchik i tribus ban norte, ban sur, ban este ani ban oeste. Ts'ejel ban campamento, wa'atsak k'e'at i tribu ajidh al tse i yaneláb. Pelak an levitas ani jayej u k'wajílak al i tiendas de campaña. Ts'ejelak ban campamento, jayej wa'atsak jun i atáj lej alwa' ts'ejkadh, axi mápudhak k'al i tóltom, axé' xi atáj pelak an tabernáculo. Axi in ts'ejka' an israelitas axi pidhan i tsalpadhtaláb k'al a Jehová. (Números 1:52, 53; 2:3, 10, 17, 18, 25; Éxodo 35:10.)

it-1 403 párr. 1

Campamento

Lej púlikak an campamento in k'al an israelitas. Wa'atsak 603.550 i inikchik axi u k'alelak ti pejéx, i uxumchik, i tsakam, i atikláb axi payeblábits ani yan axi u ya'úl, jayej wa'atsak 22.000 i levitas, ani wa'atsak jayej axi yab i israelitas, ajidhits patal wa'a-

tsak 3.000.000 i atikláb. (Éx 12:38, 44; Nú 3:21-34, 39.) Yab i lej exlál jay in puwém an tsabál in eyendha' an israelitas abal ka k'wajiychik. Tam ti an israelitas in toniy Jericó, in eyendhachik an tsabál axi k'wajat ti «Bet-jesimot ma ti Abel-sitim». (Nú 33:49.)

Exbadh exobchixtaláb axi i kaldhál ti Biblia

it-1 1231

Inscripción

Tam u ajiyabak an israelitas, u dhuchunchábak in bij, in yanél ju'táj ti talak ani in tribu. Yab expidh pelak abal ka exláj jay i israelitas wa'ats. An israelitas u ajiyábak abal yan jant'oj, ejtil abal ka exláj jant'ini' ti ne'etsakchik kin jalbiy an impuestos ani jita' ne'ets ka k'alej ti pejéx. An levitas u ajiyábak abal ka exláj jant'oj tam t'ojláb ne'etsak kin t'aja'-chik ban tabernáculo.

15 MA TI 21 A FEBRERO

K'ALÁB AXI TI BIBLIA | NÚMEROS 3 ANI 4

«In t'ojlábil an levitas»

it-2 890 párr. 1

Sacerdote

Tam ti in kwa'alakchik kin belka' an abatnaxtaláb axi pidhan a Moisés. Tam ti a Jehová in kaldha' an israelitas ti Egipto, in t'aja' ka tsemets patal in k'aál tsakámil an egipcios pero yab tsemets nibal jun in k'aál tsakámil an israelitas. (Éx 12:29; Nú 3:13.) A Jehová in k'alna' axé'chik xi tsakam kom in k'aniy, ani jaxtám expidh in éjtowalakchik ka eyendháj abal kin t'ójonchij a Jehová. A Jehová in éjtowalak kin eyendha' patal axé'chik xi tsakam abal ka t'ójonchat jant'ini' i sacerdotes o ti tólmix ban tabernáculo, pero in takuy kin eyendha' expidh an levitas

abal axé' xi exbadh t'ojláb. Jaxtám in eyendha' patal an inik axi pelak i levitas abal kin kalchij patal in k'a'ál tsakámil an doce tribus (a Efraín ani a Manasés, in tsakámil a José, k'wajatak ajidh jant'ini' tsab i tribus). Tam ti ajiyat patal an inik axi pelak i levitas, t'ajan ti kwentáj abal in k'ibchalak 273 abal kin kidhbay in yaném an tsákamchik axi a Jehová in k'aniy ti Egipto. Jaxtám a Jehová in uluw abal axé' xi 273 i atikláb, kin bína' 5 sicios, (11 dólares [E.U.A.]) kom yab wa'ats jun i levita abal ka kálchiyat, an tumín axi támkuyat pidhan a Aarón ani in tsakámil. (Nú 3:11-16, 40-51.) Tam ti a Jehová in uluw ka t'ajan axé', in takuyámalits in tsakámil a Aarón abal kin bajuw ti sacerdotes kom pelak i levitas. (Nú 1:1; 3:6-10.)

it-2 213

Levitas

In uchbíl. An levitas kalej k'al ox in tsakámil a Leví: a Guersón (Guersom), a Qohat ani a Merarí. (Gé 46:11; 1Cr 6:1, 16.) Tam ti k'wajiychik ban desierto, axé'chik xi yaneláb u k'wajilak utat ban tabernáculu: in yanél a Aarón k'wajiy ban E., tin tamét an tabernáculu; axi más an qohatitas k'wajiy ban S.; an guersonitas, ban O., ani an meraritas ban N. (Nú 3:23, 29, 35, 38.) In tojlábil an levitas pelak kin pakuw an tabernáculu ani kin kitna' tam ne'etsak ka beláts. Tam ne'etsakchik ka beláts, a Aarón ani in tsakámil in pa'balak an cortina axi k'wajatak ban Santísimo ani in páxk'iyalak an arca del testimonio, an altares ani axi más an eyextaláb axi u eyendhabak. An qohatitas in ne'dhalak axé' xi eyextaláb. An guersonitas in kitnalak patal an tóltom axi u eyendhabak ban tabernáculu, an pantallas ani patal an ts'aj axi u eyendhabak. An meraritas in kitnalak patal k'al jawa' ti kubat an tabernáculu, ejtíl an armazones, an columnas, an pedestales

ani an estacas ani an ts'aj axi k'wajatak tin tonidh an tabernáculu). (Nú 1:50, 51; 3:25, 26, 30, 31, 36, 37; 4:4-33; 7:5-9.)

it-2 214 párr. 2

Levitas

Tin k'ichájl a Moisés an t'ojláb más tsapik abal an levitas u tujelak tam kin putuw treinta i tamub, in t'ojlábil pelak kin kitna'chik an tabernáculu ani patal jawa' u eynalak taná', tam ka belatschik. (Nú 4:46-49.) Talchik i t'ojláb in éjtowalak ka tújeychik kin t'aja' tam kin putuw veinticinco i támub, pero yab u jílchinalak kin t'aja' an t'ojláb axi más tsapik, ejtíl kin kitna' an tabernáculu. (Nú 8:24.) Tin k'ichájl a David, an levitas in éjtowalakchik ka tujey ti t'ojnal tam kin putuw veinte i támub. A David in uluw abal játs kom yabáts ne'etsak ka yéjenchat ka yátsiyat an tabernáculu kom ne'etsak ka ts'ejkaj jun i templo. An levitas in éjtowalak kin jila'chik ti t'ojnal tam kin putuw cincuenta i támub. (Nú 8:25, 26; 1Cr 23:24-26; ka ajiy EDAD.) An levitas kwa'alak kin exla' alwa' an abatnaxtaláb, kom junchikil u kónchinalak kin ajchij an israelitas ani kin exóbcij. (1Cr 15:27; 2Cr 5:12; 17:7-9; Ne 8:7-9.)

Exbadh exobchixtaláb axi i kaldhál ti Biblia

w06 1/8 23 párr. 13

Ki ko'oy i tsalpadhtaláb: ki ts'ejna' ki k'ipchij a Dios

¹³ A David lej tólmíyat k'al a Jehová tam ti más in yéjenchalak, jaxtám yab in le'ak kin k'ibchij ani in belalak k'al Jajá' (Salmo 31:22-24). Pero oxil i kalel yab in t'aja' ti kwéntaj abal k'al jawa' k'wajatak in t'ajál ne'etsak kin k'ipchij a Jehová, ani jaxtám in lej yajchikna'. An k'a'ál játs tam ti ne'dháj an arca del pacto abal ti Jerusalén. A Jehová in ulumal

abal an levitas kwa'alak kin kitna'chik an arca del pacto tin punuk', pero a David in uluw abal ka ne'dhaj al jun i carruaje. Tam ti a Uzah in teyna' an arca abal yab ka i'kan, dhúbatk'ij tsemets kom yab in tomnalak kin taka'. Jawa' in t'aja' a Uzah yab tekedh ani jaxtám ti tsemets. Pero in lej wálab pel a David, kom yab in belka' an abatnaxtaláb axi a Jehová in binamal. K'al axé' i exobnál abal max i ts'ejnál ki k'ipchij a Jehová ne'ets ki t'aja' patal jawa' jajá' tu kónchal (2 Samuel 6:2-9; Números 4:15; 7:9).

22 MA TI 28 A FEBRERO

K'ALÁB AXI TI BIBLIA | NÚMEROS 5 ANI 6

«¿Jant'ini' i éjtowal ki nits'biy an nazareos?»

it-2 467; 468 párr. 1

Nazareo

Jita'chik in tákuyalak kin t'aja' ti Nazareo wa'atsak ox jant'oj axi yab in éjtowalak kin t'aja': 1) Yab in tomnalak kin uts'a' nibal jant'oj axi u wíledhax; yab kwa'alak kin k'apuw i uvas axi téjtey, axi wéjneq nibal axi wáynek. Yab kwa'alak kin uts'anchij in ja'llil an uva nibal ti vinagre, nibal max jilmédhachits. 2) Yab kwa'alak kin kótoychik in xi'íl. 3) Yab kwa'alak kin taka' i tsemelom, belits max pel in papá, in mamá o in epchal. (Nú 6:1-7.)

Jita'chik in tákuyalak kin t'aja' jun i t'ojláb axi exbadh. An atikláb axi in tákuyalak kin t'ojonchij a Jehová [«takudh, pilmedhach»] kwa'alak ka «k'wajiy» jant'ini' i nazareo, kin t'ojonchij expidh a Jehová. Yab pelak abal ka tsu'tat k'al an atiklábchik abal lej t'okatits in t'ajál. An abatnaxtaláb in ulalak: «Jayits i támub ka k'wajiy jant'ini' i nazareo, jajá' k'wajat takudh abal a Jehová». (Nú 6:2, 8; ka jumbiy k'al Gé 49:26, nota.)

Jawa' a Jehová in kónchalak kin t'aja' an nazareos pelak abal kin putuw alwa' k'al in uchbíl. An sumo sacerdote u kónchinalak abal yab kin taka' i tseméom, bélists max pel in lej yanél ani jayetsej u kónchinalak an nazareo. An sumo sacerdote ani an sacerdotes jayej u kónchinalak abal yab kin uts'a' i vino ani nibal jant'oj axi u wíledhax biyat k'wáatakchik in t'ojonchal a Jehová, kom an t'ojláb axi in t'ajalakchik in kwa'alak yan in exbádh. (Le 10:8-11; 21:10, 11.)

Jayej, abal an nazareo (heb. *na-zír*) ka k'wajiy t'okat, yab kwa'alak kin kotoy in xi'íl. Axé' in t'ajalak abal ka exláj abal k'wajatak in t'ojonchal a Jehová jant'ini' i nazareo. (Nú 6:5.) An kaw hebreo *na-zír* jayej eyendháj abal ka bíjiyat an vides axi «yab u putsinchábak» tam kin bajuw an buk i támub ani ban jubileo. (Le 25:5, 11.) K'e'at jant'oj, an sumo sacerdote in eyendhalak jun in puch abal in ok' ani tin tamét in kwa'alak jun i lámina ts'ejkadh k'al i oro axi in ulalak: «Expidh a Jehová játs axi t'okat», axé' in tejwamedhálak abal «expidh k'wajat in t'ojonchal a Jehová [heb. *né-zer*, axé' xi kaw u kálelak k'al an kaw *na-zír*]». (Éx 39:30, 31.) An corona axi in eyendhálak an reyes axi ti Israel jayej u bíjiyábak *né-zer*. (2Sa 1:10; 2Re 11:12; ka ajiy CORONA; DEDICACIÓN.) An abatwálej Pablo in uluw abal ti tamkuntaláb, an mimlábchik in eyendhál nakat in xi'íl abal játs ti ka páxk'inchat in ok'. K'al axé' u t'ilchinal abal yab junat in éy k'al an inik ani abal kwa'al kin k'ak'na', kom antsaná' tin ulumal a Dios. Jaxtám, an nazareo in jilalak nakat in xi'íl antsaná' jant'ini' jun i mimláb, yab in uts'alak nibal wé' i vino ani in tsápnanchalak ka k'wajiy t'okat tin ejatal ani yab ka lúklin, antsaná' in tejwamedhálak abak expidh in belkalak a Jehová ani abal ne'etsak kin t'ajchij in kulbetal. (1Co 11:2-16; ka ajiy

CABELLO; COBERTURA PARA LA CABEZA;
NATURALEZA.)

Exbadh exobchixtaláb axi i kaldhál ti Biblia

w05 15/1 30 párr. 2

Konowixtalábchik axi a t'ajamal

A Sansón jayej pelak i nazareo, pero jajá' wé' pilits jawa' konchat kin t'aja'. Ok'xidh ka wa'tsin a Sansón, in mamá uchan k'al jun i ángel in k'al a Jehová: «¡Ka ats'a'!, ne'ets kit jíl'k'on ko'odh, ne'ets ka ko'oy jun i t'ele'. Yab jayk'i' kwa'al ka kotchat in xi'íl, kom expidh ka wa'tsin pelits i nazareo takudh k'al a Jehová ani jajá' ne'ets kin k'aniy an bichow Israel abal yab ka odhnáj k'al an filisteos» (Jueces 13:5). A Sansón yab in takuy kin t'aja' ti nazareo, pel k'al a Jehová ti tákuyat ani ne'etsak kin t'ojonchij a Jehová jant'i-ni' i nazareo patal in ejatal. Jaxtám, jajá' yab u k'ánchinalak kin taka' i tsemelom, kom yab in éjtowalak ka wa'tsin ti ít ani ka tujej juníl jant'ini' i nazareo. Tam, k'al axé' i éxbayal abal wé' junits axi takudhak k'al a Jehová jant'ini' i nazareo ani axi in tákuyalak tin kwetemtal kin t'aja' ti nazareo.

